

Cov Me Nyuam Cov Cai: Kev Tsis Pw Kho Yam Ntxwv

<p>Kev Tso Cai Kho Yam Ntxwv</p> <p>Yog tias koj yau dua 14 xyoos, tus niam txiv los sis ib tus neeg saib xyuas yuav tsum sau ntawv pom zoo rau koj tau kev tsis pw kho yam ntxwv.</p> <p>Yog tias koj muaj 14 xyoos los sis loj dua, tus niam txiv los sis ib tus neeg saib xyuas yuav tsum sau ntawv pom zoo rau koj tau kev tsis pw kho yam ntxwv.</p> <p>Yog tias koj xav tau kev kho tiam sis koj niam koj txiv los sis tus neeg saib xyuas tsis muaj peev xwm tso cai los sis tsis pom zoo, koj (los sis lwm tus neeg sawv tam koj) yuav thov tau cheeb koog ib tug kws ceev xwm kev nrog xyuas los pab nrog xyuas.</p> <p>Yog tias koj tsis xav tau kev kho tiam sis koj leej niam leej txiv/tus neeg saib xyuas xav kom kho, tus thawj koj kev kho mob rau lub chaw kho mob uas koj mus cuag cov kev kho mob yuav tau thov tus kws ceev xwm kev nrog xyuas los pab nrog xyuas.</p> <p>Tsis hais koj qib hnuv nyoog, thaum muaj kev kub ceev, tus thawj koj kev kho mob rau lub chaw kho mob yuav kheev koj tau kev kho yam ntxwv tsis pw, tiam sis yuav tsis muab tshuaj kho mus txog 30 hnuv.</p> <p>Nyob rau hauv 30 hnuv, tus thawj koj kev kho mob yuav tsum tau tsab ntawv tso cai los ntawm koj leej niam leej txiv los sis tus neeg saib xyuas, los sis ua ntawv thov yuav tus kws ceev xwm xyuas txog txoj kev noj qab haus huv ntawm kev koj yam ntxwv.</p> <p>Kev Tso Cai Kho Quav Tshuaj Yeeb Dej Caw</p> <p>Txhua tus me nyuam tsis nto hnuv nyoog yeej tso cai tau rau txoj kev kho quav tshuaj yeeb dej caw hauv lub chaw kho pej xeev tsuav yog rau txoj kev tiv thaiv, kev cuam tshuam los sis kev taug qab kho.</p> <p>Yog tias koj yau dua 12-xyoos, tej zaum koj yuav tau qee cov kev kho quav tshuaj yeeb dej caw (xws li kev txiav tu) tsis tag niam txiv los sis tus neeg saib xyuas kev tso cai.</p> <p>Yog tias koj muaj 12 xyoos los sis loj dua, tej zaum koj yuav tau qee cov kev kho quav tshuaj yeeb dej caw (kev tshawb ntsuas, kev pab txhawb zog siab, thiab kev txiav tu luv dua 72 teev) tsis tag niam txiv los sis tus neeg saib xyuas kev tso cai.</p> <p>Yog tias koj leej niam leej txiv los sis tus neeg saib xyuas pom zoo, koj yuav tau koom nrog kev kho quav tshuaj yeeb dej caw, nrog rau kev tshawb ntsuas thiab kev ntsuam xyuas.</p>	<p>Kev Nrog Xyuas los ntawm tus Kws Ceev Xwm Kev Xyuas Txog Kev Coj Yam Ntxwv thiab/los sis lub Tsev Hais Plaub</p> <p>Ib lub tsev hais plaub rau me nyuam twg yuav xaiv muaj ib tug kws ceev xwm kev xyuas rau lub cheeb koog ntawd.</p> <p>www.dhs.wisconsin.gov/clientrights/mhro</p> <p>Lub tsev hais plaub rau me nyuam yuav tsum tswj xyuas kom muaj kev pab thov txoj kev nrog xyuas.</p> <p>Yog tias koj thov txog thiab tus kws ceev xwm kev xyuas kev koj yam ntxwv ntseeg tias nws yuav yog txoj kev zoo tshaj rau koj, yuav hla tau tus kws ceev xwm kev xyuas thiab lub tsev hais plaub yuav nrog xyuas rau koj.</p> <p>Yog tus kws ceev xwm kev xyuas ua tus nrog xyuas, yuav tsum muaj lub rooj sib hais ua ntej 21 hnuv txij li hnuv ua ntawv thov kev nrog xyuas. Txhua tus yuav tsum tau tsab ntawv faj seeb txog lub rooj sib hais luv kawg li 96 teev.</p> <p>Kom tau kev pom zoo kho koj (txawm koj tsis yeem los sis koj niam koj txiv/neeg saib xyuas tsis kheev kho), tus kws ceev xwm kev xyuas yuav tsum pom tias:</p> <ul style="list-style-type: none">• Txoj kev tsis kam tso cai yeej tsis tsim nyog.• Koj yuav tsum tau muaj txoj kev kho.• Txoj kev kho yeej tsim nyog thiab tsis ceev nruj rau koj.• Txoj kev kho yeej zoo tshaj plaws rau koj. <p>Yog tias koj tsis pom zoo nrog txoj kev txiav txim los ntawm tus kws ceev xwm kev xyuas, yuav faj seeb qhia rau koj thiab koj niam koj txiv/tus neeg saib xyuas txog txoj cai tau kev nrog xyuas hauv tsev hais plaub ntug.</p> <p>Yog tias lub tsev hais plaub lis txoj kev nrog xyuas, ua ntej 21 hnuv txij li tus kws ceev xwm kev xyuas txoj kev txiav txim, koj (los sis lwm tus neeg sawv cev tam koj) yuav thov tau lub tsev hais plaub rau me nyuam kom muaj txoj kev nrog xyuas.</p> <p>Yuav tsum muaj lub rooj sib hais ua ntej 21 hnuv txij li hnuv thov. Txhua tus yuav tsum tau tsab ntawv faj seeb txog lub rooj sib hais luv kawg li 96 teev.</p> <p>Yog tias koj tsis xav tau kev kho, lub tsev hais plaub yuav tsum xaiv ib tug kws lij choj rau koj luv kawg li 7 hnuv ua ntej lub rooj sib hais.</p> <p>Yog koj niam koj txiv/neeg saib xyuas tsis xav tau txoj kev kho thiab koj tsis tau muaj ib tug kws lij choj, lub tsev hais plaub yuav tsum xaiv ib tug.</p> <p>Kom tau kev pom zoo kho koj (txawm koj tsis yeem los sis koj niam koj txiv/neeg saib xyuas tsis kheev kho), tus kws phua txim yuav tsum pom tias:</p> <ul style="list-style-type: none">• Txoj kev tsis kam tso cai yeej tsis tsim nyog.• Koj yuav tsum tau muaj txoj kev kho.• Txoj kev kho yeej tsim nyog thiab tsis ceev nruj rau koj.• Txoj kev kho yeej zoo tshaj plaws rau koj. <p>Lub tsev hais plaub txoj kev txiav txim tsis tau txhais tias koj muaj kev puas siab ntsws puas hlwb. Yeej thov tau Wisconsin Court of Appeals (Cov Tsev Hais Plaub Txiv Txim Dua) kom txiav txim dua rau lub tsev hais plaub txoj kev txiav txim.</p>	<p>Cov Cai Kev Kho</p> <p>Koj yuav tsum tau kev kho tam sis thiab kho tsim nyog.</p> <p>Yog tias koj muaj 14 xyoos thiab loj dua, koj tsis kam kho kev puas siab ntsws puas hlwb tau kom txog thaum twg lub tsev hais plaub yuam kho.</p> <p>Yuav tsum qhia rau koj txog txoj kev kho thiab tu xyuas koj.</p> <p>Koj muaj txoj cai thiab xav txhawb kom koj koom nrog txoj kev tuav tswv yim kho thiab tu xyuas koj.</p> <p>Yuav tsum faj seeb qhia rau koj thiab koj cov txheeb ze txog tej nqi uas lawv yuav raug them rau txoj kev kho koj.</p> <p>Tus Kheej Cov Cai</p> <p>Yuav tsum faj seeb qhia rau koj txog koj cov cai.</p> <p>Yuav tsum muaj cov kev txiav txim tsim nyog txog txoj kev kho thiab tu xyuas koj.</p> <p>Yuav tsum tsis txhob koj tsis ncaj ncees rau koj vim yog koj haiv neeg, lub teb chaws yug nyob rau, zeej xeeb, kev xav txog zeej xeeb, kev cai dab qhuas, kev tsis taus los sis kev yeem sib deev.</p> <p>Kev Muab Cuag Ntaub Ntawv thiab Cov Cai Ceer Ntiag Tug</p> <p>Neeg ua hauj lwm yuav tsum ceev zoo cia koj cov ntaub ntawv teev kev kho kab mob kev nkeeg (kev ceev zoo cia).</p> <p>Tiam sis, koj niam koj txiv yuav saib tau koj cov ntaub ntawv.</p> <p>Yog tias koj yau dua 14-xyoos, koj yuav saib tau koj cov ntaub ntawv nrog koj niam koj txiv/tus neeg saib xyuas, tus kws lij choj, tus kws phua txim los sis tus neeg ua hauj lwm. Koj yeej saib tau koj cov ntaub ntawv txog cov tshuaj uas koj noj.</p> <p>Tsis hais koj qib hnuv nyoog, cov neeg ua hauj lwm yuav txwv koj txoj kev saib tau koj cov ntaub ntawv npaum li cas. Lawv yuav tsum qhia cov laj thawj kev txwv.</p> <p>Yog tias koj muaj hnuv nyoog yau kawg yog 14-xyoos, koj tso cai tawm tau koj cov ntaub ntawv kho kev puas siab ntsws puas hlwb rau lwm cov neeg.</p> <p>Yog tias koj muaj hnuv nyoog yau kawg yog 12-xyoos, koj tso cai tawm tau koj cov ntaub ntawv kho kev quav tshuaj yeeb dej caw rau lwm cov neeg.</p> <p>Pab Txog Neeg Mob Cov Cai</p> <ul style="list-style-type: none">• Hu rau cov neeg ua hauj lwm pab neeg tau kev pab cov cai hauv koj lub chaw kho mob.• Zwm kev tsis txaus siab. Cov neeg ua hauj lwm pab neeg tau kev pab cov cai yuav xyuas koj cov lus tsis txaus siab.• Hu cuag Disability Rights Wisconsin (Wisconsin Cov Cai Tsis Taus) ntawm 800-928-8778. Lawv cov neeg pab tswv yim thiab cov kws lij choj yuav pab tau koj txog cov lus nug koj muaj txog neeg mob cov cai. <p>Xav Paub Ntxiv</p> <p>Mus xyuas DHS qhov vas sab txog neeg tau kev pab cov cai:</p> <p>www.dhs.wisconsin.gov/clientrights/minors</p>
---	--	---